



978811

春草堂詞集卷下目錄

念奴嬌

前調

前調

附二首

前調 另一體

法曲獻仙音

沁園春

春草堂詞集 卷下目錄

滿江紅

菩薩蠻

水龍吟


三株媚

滿江紅

賀新郎

謝池春慢

霜天曉角



滿江紅 另一體

揚州憶六首

鷓鴣天

一萼紅

水調歌頭

齊天樂

梅子黃時雨

八聲甘州

赤草堂詞集

卷下目錄

驀山溪

摸魚兒

洞仙歌

憶秦娥

憶舊遊

祝英臺近

摘紅英

前調

鵲橋仙

一翦梅

卜算子

生查子 二首

臨江仙

西江月

卜算子

寶鼎現

春草堂詞集

卷下目錄

鶯啼序

三

春草堂詞集卷下

甘泉 謝堃 佩禾

念奴嬌 讀史

衣冠南渡論聲華門第首推王謝半璧山河開錦繡一片江城如畫麈尾談兵枋頭論戰不在蕭曹下風流人物一時傳遍佳話 試想播鼓金山鏖兵赤壁功業分王霸可惜中原龍戰日禁裏歌傳子夜石馬嘶風金刀叶夢事也非奇詫偏安王室夜郎那便尊大

春草堂詞集

卷下

一

前調 旅况

黃流偶塞使舳艫千里一時停泊客旅羈遲思改轍又是西風作惡白眼看人青袍故我身世憑誰託且攜尊酒一杯聊倚山閣 看取滾滾狂瀾滔滔濁浪淤澱成沙漠寄語諸公須努力此係金湯鎖鑰萬兩

黃金千堆白骨總爲紆民瘼東南財阜江
淮首重關權

前調

將之粵東道出桐城與笠生
話別

嶺梅初放且與君携酒徘徊花下同是天
涯淪落客莫負今宵杯斝皓月撐空寒雲
掠地蘿薜絺衣挂雁鴻消息五陵多少裘
馬 堪笑我尚依劉君還御李同是悠悠

春草堂詞集

卷下

二

者後事茫茫難自料世味真同啖蔗折取
花枝罨依酒數坐待參橫夜豈宜愁聽數
聲風篴傾寫

前調

仝作

桐城

劉敦元

笠生

關河千里聽悲歌落落銅壺敲缺紅袖
花鬢年少夢瞥見霜期華髮舊蹟黃廬
孤懷青眼長劍星光掣蒼茫人世此情
惟共君說 何幸爪印賓鴻山城暫住

佳釀傾蕉葉漫道仙鄉飛野鶴孤負虹
橋明月笑罵由他疎狂似我好句搜塵
篋那堪驚問一帆歸趁風雪

迢迢珠嶠記電光十載曾安噏室君去
襟懷宜壯濶大海洪濤呼吸儋耳文奇
潮陽碑剝博採留眞實此鄉多寶要教

珊瑚收得

謂蘭言
集選

余亦入洛駟車梁

園詞賦好奪鄒枚席著作名山千古事

春草堂詞集

卷下

三

須把歸期同詰皖北雲停淮南花發來
往申良覲有情揚柳白駒應許維繫

前調

又一體

舊紗窗下正雲鬟斜髻午睡纔醒烏挂收
香縣翠羽晝閒簾柙聲輕倩烟籠愁隨
香轉欄檻幾回凭墻陰境仄鞦韆悞損苔
青將次風勁飄紅雲柔骨白花事又殘
春惱煞如綿新柳絮無端化了青萍鯉腹

書空鶯聲夢斷月影暗空庭畫樓西畔夜
深幾點疎星

法曲獻仙音

惜別傷春後之視昔同是一般懷抱昨夜
酒闌月明人靜依依泥人談笑笑弱似陽
關柳離愁繫多少 鱸烟裊便圍鱸並肩
私語問此別何時雁書再到今夜美良宵
正橫斜梅幹鬆了携手階前月光中殘雪
雙皎恠隣雞多事啼破冷雲天曉

春草堂詞集

卷下

四

沁園春

集句同沈秋白作

雲鬢堆鴉蛾眉斂翠蓮臉生春當曉風殘
月芳心自警澹烟疎雨羅襪生塵油壁香
車烟波畫舫無賴風光泥煞人繾綣處似
海棠思睡楊柳含顰 幾番帶醉佯瞋把
舊譜翻來字字新論移宮換羽皆稱絕調
偷聲減字豈屬無因僕本恨人卿須憐我

珍重明珠掌上身也還怕是蘭因絮果悞
了芳辰

滿江紅 題飛花餞春圖冊子

何物東風竟吹落落紅無數多恐是蜂稀
蝶懶春難留住風笛數聲歸去也荒烟一
片知何處歎漂零水面弄文章天還妬
情靄靄橫塘路愁黯黯青谿渡剩誰家庭
院幾株芳樹翠袖花顏今已矣青袍草色
仍如故且商量無限別來愁憑鶯訴

春草堂詞集

卷下

五

菩薩蠻

鶯聲啼破遼西夢絃聲撥碎江南弄春晝
雨絲絲 春愁春不知 垂垂烏桕樹綠遍
江南路春共落花飛春歸人未歸

水龍吟 同阮梅叔湖上作

簫聲無賴揚州滿湖吹得春波縐平山點
染一灣新水數行疎柳尺五樓前三賢祠

妙好辭

畔翠幄紅慙是誰家艇子琵琶輕撥低聲
唱黃昏後 天氣熟梅時候趁東風石華
長袖珠簾十里舞衫歌扇繁華依舊借問
誰憐子山頭白休文腰瘦且煩君寄語東
船西舫識歐蘇否

三株媚

同梅叔桃花庵卽事

天工舒繡綺正天天繁枝香圍僧寺萬片
如雲引數枝柔櫓劈開春水帽影衣痕平
逗起新愁扇底幾度徘徊烟裊晴空霞拖
天際 一片空明如洗恰媚質三株香肩
斜倚笑語輕盈把燕釵橫按鳳羅初試劉
阮當年曾路遇天台仙子今日軟紅深處
吾儂醉矣

滿江紅

自題黃河遠傳奇本事

今古登場笑同是一般傀儡却也要平心
而論誰爲知己季子黑貂裘蔽日秋娘費

盡千端綺問當時誰唱鮑家詩秋墳鬼
廿一部興衰史十九省山川紀把烟雲變
幻收來腕底初日芙蓉傳姓字中年絲竹
供遊戲借消閒磨墨寫新詞情難已

○ 賀新郎 全前

惆悵橫塘路憶碧桃紅柳兒家門戶帽影
鞭絲曾繫馬多謝琵琶私語把紅豆瞞人
寄與惱煞鶯兒偏饒舌便春光漏泄春無

春草堂詞集

卷下

七

主從此後藍橋阻伯勞紫燕分飛苦賸
青衫酒痕洎漬能無酸楚卿慣工愁儂善
病說甚英雄兒女且收拾宮商徵羽譜出
新聲如合拍算媧皇有恨天能補花落也
蠶絲吐

謝池春慢

小園新綠早又是春將盡花褪藥欄紅葉
挺荷池粉雙燕差池羽飛絮還留影被啼

鶯催夢醒三年雁斷沒個衡陽信 綠窗
人靜鎮日裏厭厭病寂寞晝長時懶整雙
蟬鬢鏡裡容憔悴羞被雛鬟問展圖畫聊
撥悶崇山峻嶺來往雲無定

霜天曉角

月澹風輕誰家吹玉笙和切風飄律呂平
窩出斷腸聲 遙情丹鳳城夢魂途路生
偏又茨菇花發多恐是負初盟

春草堂詞集

卷下

八

滿江紅

又一體。神女祠同湘秋

作

隔葉黃鸝數聲送來空好音瞻容宇姍姍
環珮凜凜儀型白石巖扉滋碧蘚青羅寶
扇障紅塵響靈風攪攪彩雲邊揚旆旌
擊鼉鼓吹鳳笙女巫唱詠迎神願年年歲
歲人醉江村夜雨有情還入夢山花無主
自成春鶯飛來一陣鬧風鴉棲殿楹

揚州慢 咏懷揚州古跡六首

歌吹揚州竹西舊址風流想像當年被尋
春杜牧詩酒幾流連賸今日敲斜戶牖零
星碑版蔓草荒烟近官河一帶檣烏棲滿
樓船古來興廢一聲聲都付啼鴉歎橋
上簫聲樓頭簾影明月空圓獨有玉鉤斜
畔春留與瘦竹娟娟把深宮遺恨團團化
作苔錢竹西亭

春草堂詞集

卷下

九

一樹辛夷花將落盡山僧漫掃斜暉說當
年王播曾此久相依偶因着鐘鳴飯後詩
題齋壁便惱闍黎借碧紗數尺深深籠住
清詞亂碑林立任摩挲舊勒新題有无
咎抒懷東坡設想漁隱藏機前輩嘯歌雖
在偏輪與大旨悠飯看佛前燈火九枝依
樣微微木蘭院

富媪何時肖形后土公然環珮叮當有少

年慘綠配饗祀韋郎恰粧就金泥玉檢銅
環獸戶繡憶烟幃茁瓊花一朶爭傳天下
無雙屢經兵燹算神仙劫換滄桑笑遠
岫橫肩好雲侵鬢詩句荒唐何至木雕泥
塑便恣意大肆侈張聞息媯無語至今有
個祠堂蕃釐觀

酒意方酣名心未已夢隨槐影婆娑便魂
銷骨醉五馬領南柯愛終日搓酥摘粉偎

春草堂詞集

卷下

十

紅倚翠旨趣偏多忽龜山獵後頓令人事
蹉跎廿年如蠟儘消磨蠻觸山河只一

霎光陰繁華逝水究竟如何笑我頻年株
守借杯酒鎮日高歌願尋君殘夢幾回夢
境還訛淳于棼宅

嬛嬛娉娉香含豆蔻是誰取意名樓對青
青陌上柳色翠交暉倚欄見斜陽影裏乍
明還暗芳草牽愁似東風有意蛛絲吹傍

簾鉤 故人書札說烟花三月歸舟把一
葉孤帆連宵望斷江水空流試問爲誰憔悴
早拋了脂盞香篝又東園花落紛紛淚
雨難收 十三樓

殿脚三千如花宮女龍舟同幸江都忽臨
風一咲鏡裏好頭顱已吟就風亭芳樹長
皋麥隴佳句誰如拚黛螺五斛眉痕日換
新圖 斗移星轉剩東風一帶荒蕪只古

春草堂詞集

卷下

十一

殿秋陰長廊夜雨螢遠堦除漫道無情花
柳逐年裏依樣葫蘆聞錦帆當日催歸祇
有啼鳥 煬帝宮

鷓鴣天

后土夫人廟題壁

白水神符赤水刀野狐踪跡起蓬蒿十年
妖亂煽餘盞一夢鈞天斫巨鼇 春寂寂
夜迢迢長門風雨草蕭蕭題詩欲寄張公
子翠羽明璫久寂寥

盛世正好輕裘緩帶他日覓封侯如我不
才者方許著羊裘

齊天樂

雨生代雙湖夫人索題梅

牕琴趣圖

橫牕女字枝如畫拓開一重佳境茗椀香
鑪牙徽玉柱今夜月懸明鏡暗香疎影奈
天淡雲閒漏催霜警聊撥冰絃平沙一曲
寫幽負一彈再鼓微渺料餘音縷縷芳

春草堂詞集

卷下

七

意無盡官閣餘閒粧臺逸致白雪歌排兢
病詞嚴體正爲夫婿英雄曲如軍令恐誤
官商渾忘纖指冷

梅子黃時雨

同勻邨穆堂

城市幽棲自來去兩三人似鷗鷺愛竹徑
聲清同翻簫譜真個陰晴誰料得瀟瀟幾
陣黃梅雨論時叙艾葉綵絲又近重五
烟縷風還留住料西疇耒耜農慰甘霽雜

一派喧聲龍舟簫鼓山鳥齊呼泥滑滑興
酣人愛婆娑舞歌行旅去年寄身荆楚

八聲甘州

羨故人三十早登壇旌旗拂行雲况聞床
書連屋稚子能文春透潼關四扇風靖塞
垣塵我欲杖長劍匹馬西行 來聽伊涼
樂府喚如花羗女漫度新聲更明妃塚畔
環珮弔香魂縱琵琶千秋胡語寫昔年怨

春草堂詞集

卷下

西

恨曲中論興酣際把葡萄美酒洗我胸襟

鷓山溪

夜來風勁吹折牕前竹竹葉打牕時似驟
雨驚人魂魄夢情恍惚無語對銀缸待歸
來應笑我減却雙蛾綠 茨菇葉爛今又
蘆芽白大道有青樓可還念洞房紅燭朝
來雁便當再寄文無病形骸怎耐得鳳枕
孤難宿

摸魚兒

笑頻年北來南去九州消盡輪鐵霜沾衣
上緇塵滿豪氣漸教磨滅車半輞舟一葉
長江波浪陰山雪子規叫月更巫峽啼猿
驚回旅夢腸斷泪凝血歸來後故里風
光無缺柴門祇是空設藥爐經卷供多病
一任鷺離鷗別飄玉屑憶昔日飛花亂舞
隋宮闕星移電掣剩滿目荒涼菰叢葦港

春草堂詞集

卷下

五

此意向誰說

洞仙歌

病中作

黃花疎雨正新寒時候短策相扶倚窗牖
暮雲端擁出新月如輪同隔歲海上天涯
依舊盤盂堆橘柚呼取妻孥隨意山餽
佐春酒剪燭話團圓笑問連朝舍南北鷺
鷗來否也怕是柴門不常開恰孤負今秋
水明山秀

憶秦娥 客中作

天邊月今宵似帶些兒缺些兒缺關山掩
映感人離別誰家玉笛聲鳴咽聲聲似
訴音書絕音書絕飲君杯酒旅懷羞說

憶舊遊

記霜飛九月冬令纔交人在天涯獨倚危
欄曲對蒼蒼野水滿目兼葭征鴻背翻殘
照驚破一聲笳笑故國音書曾煩驛使祇
寄梅花堪嗟到今日縱三徑歸來鬚髯
皆華謀取床頭酒把半生遊覽都付尖叉
暇則招邀村叟閒坐說桑麻恰轉笑從前
藏身未學墻脚蝸

祝英臺近

錯觥籌交履舄夜深共歡笑重翦燈花磨
墨寫懷抱試問十載相思傷春怨別怎禁
得空房膽小夢魂好夢見河畔青青任

儂拾瑤草醒後朱顏依舊鏡中老今宵此際相逢猶疑夢裏且同聽雞聲唱曉

摘紅英

雲間月風中雪瓊樓玉宇清光徹長隄柳
深杯酒南浦分襟與君執手長離別音
塵絕多情應笑生華髮無何有成衰朽往
日風流君還憶否

前調

春草堂詞集

卷下

七

僧房粥淮陰辱文章合向秋風哭歌聲楚
婆娑舞缶擊秦邦酒澆趙土千鍾祿兒
孫福豈無雀啄空倉粟鴛鴦譜瀟湘艣春
月秋花笑分釵股

鵲橋仙

輕雲暮靄疏星朗月秋洗明河無賽碧樹
紅樓短髮垂設瓜果學人叅拜穿針攔
畔弄花階下蟾子忽沾裙帶連呼阿母問

端詳這可是雙星惜愛

一翦梅

恍惚聲嘶白鼻騮
夢醒窗紗情繫天涯江
樓悶倚碧欄斜
滿目蒹葭雁在平沙
有約江村度歲華
香到梅花紅到山茶
夜來無睡
泪交加
褪了官砂
閒了琵琶

卜算子

苑鳥薦含桃
又是春將盡
月館風廊隔翠

香草堂詞集

卷下

六

微人遠天涯近
獨自遠池塘
風定波如鏡
時有鴛鴦相閒飛
倦仍交頸

生查子二首

弄影更薰香
來作拈花使
無語倚筇俟
笑撚青梅子
鬢聳楚山雲
裙繫湘江水
午倦發驕嗔
故枕郎衣睡

翠被曉生寒
銀蒜垂羅帳
一縷夢魂香
直入陽臺上
春雨海棠潮
秋水芙蓉漲
翔

兒可兒
相蝶飛來裙帶風前漾

臨江仙

答富觀察陝州

粵海歸來春已暝雁來接到郵筒關山迢
遞問行踪依然故我貧與昔時同便欲
驅車來陝右年年常侍春風無端小病怨
殘紅二陵風雨祇倩夢魂通

西江月

有贈

樊素櫻桃口輔小蠻楊柳腰肢風流心性

春草堂詞集

卷下

九

出塵姿真個佳人絕世一曲餘音嫋嫋

三更燈火微微背人羅帕贈相思上有斑
斑紅泪

卜算子

紀夢

環珮響天風月破雲初掩赤鳳蒼虬七寶
車袍褲腥紅染笑靨動星眸低語迴嬌
臉歲歲蓬萊掃落花忽被瑤池貶

寶鼎現

一肩行李幾兩遊屐數篇文字恰不似當年李白願借階前盈尺地使獨客縱揚眉吐氣此事教儂羞愧憶上古書生長揖干謁何曾參拜 富貴于我浮雲意盍歸來知足知止種幾畝桑麻豆稭便是安貧長久計與牧豎較山謔野唱倦則先生睡矣把昔日殘編斷簡都付黃梁夢裡 五柳雙桐更可想前賢滋味算折腰五斗豈若陶然一醉醉簪白髮黃花蕊湏省識三徑孤松遠勝小山叢桂

鶯啼序

秋宵一輪皓月繞明河如帶使羈客長夜無慘幾度徘徊窗外懶翹首長安西望雲橫秦嶺家何在念紅閨玉臂雲鬟暮烟蒼靄 花影頻移蛩聲斷響正松鳴清籟星光墜北斗闌珊滿天換了丰采繞迴廊露

滋苔濕忽風送隣家絃索一聲聲似怨還
愁教人怎奈 遙憐畫閣斷續秦箏演霓
裳別派撚撥際大絃急雨小絃私語珠走
玉盤風生滄海春纖應冷芳心自警曲終
虛擬青蛾斂記當年約略窺姿態佳人絕
世真能一顧傾城傾城自古難再 隔花
人遠銀鑰重關料斷難把臂須檢點燒殘
銀燭擘過花牋填寫新詞倩人作介新詞
寫就燈前燒毀身無彩鳳雙飛翼免思唯
竟不如眠去倘能夢裡相逢欸曲相思豈
無惜愛

乙未霜降後一日收此南陵徐氏舊藏本于侯官林氏亦近
時精刻矣詩話余亦有之惟曲本數種未見耳 吳崇記

